

جریدہ علیہ

مشيخت جليله اسلاميه نك جريدہ رسميه سید

صفر سنہ ۱۳۴۰

عدد ۶۹

شمديلك آيدہ بر نشر اولنور

برنجی سنہ

وصیت

زید اوغلی عمروك اوغلی اولوب وارثی اولمیان بکره فوتمدنصکره مالمدن شوقدر غروش ویرلسون دیو وصیت ایتدکدن صوکره مصرأ فوت اولسه ثلث مساعدایکن ورثه سی وصیتی طومتماغه قادر اولورلرمی الجواب اولمازلر .

بیع

زید ملک چفتلک منزلی بلاتغیر عمروره ثمن معلومه بیع وتسلیم ایتدکدنصکره زید دکرندن ا کسکه بیع ایتمشیدم دیو بیی فسخته قادر اولورمی الجواب اولماز .

جنایت

برقاچ کسنه لر هند حاملک منزله کیروب هندی ضرب ایتک قصدیه اوزرینه هجوم ایتدکلرنده هند خوفندن مستین الحلقه برجنین میت القا ایلسه اول کسنه لر غره لازم اولورمی الجواب اولور § بوصورته کشدن غره بشیوز درهم شرعی اولورمی الجواب اولور .

اجوبه شرعیه

امه الله خانم امضالی ل ۲۰ کانون اول ۳۳۶ تاریخنده فتواخانهیه بالورود، برکسه سکدیرکیت دیسه طلاق واقع اولوب اولمادیغنه دائر واقع اولان استفتایه جوابدر . § زوج مزبور کلام مذکورله طلاق نیت ایتدیه زوجه سی مستدعیه مزبوره مبانه اولور ل ۱۵ ربیع الاخر ۱۳۳۹

احمد امضالی ل ۲۹ کانون اول ۳۳۶ تاریخنده فتواخانهیه بالورود، سادهدل هند جمیع اموالی موسر اولان قرداشلرینه ترک ایدوب محتاج نفقه اولان اولادنی علی حاله یراقسه هنده وصی تعیین ایدیلرک اسرافدن حجر ومنع ایدیلوب ایدیه میه جکسه دائر واقع اولان استفتایه جوابدر .

§ هند مزبوره نك سفهی بر نهج شرعی ثابت اولمدیقه حجر اولنه مز. ل ۲۳ ربیع الاخر ۳۳۹

نادره امضالی ل ۳۱ کانون اول ۳۳۶ تاریخندہ فتواخانہیہ بالورود، ہندک زوجی
زید محکوم و محبوس اولوب نفقہ تحصیلی متعذر اولسہ ہند نکاحی فسخ ایندیرمکہ قادرہ
اولوب اولیہ جغنہ دائر واقع اولان استفتایہ جوابدر .
§ زوج زوجہ نک بولسندینی بلدہدہ محبوس اولدینی تقدیردہ بینلرندہ قائم اولان نکاح
مجرد محبوسیتہ بناءً فسخ ایدیلہ من . ل ۸ جمادی اولی ۳۳۹

* *

سعدالدین امضالی ل ۱۳ کانون ثانی ۳۳۷ تاریخندہ فتواخانہیہ بالورود، زید آلتوندن
نصابہ مالک اولسہ آلتون ایچون زکاة اولہرق قوائم نقدیہ ویرسہ زکاتی ادا ایتمش
اولوب اولیہ جغنہ دائر واقع اولان استفتایہ جوابدر .
§ آلتونک زکاتی آلتون یلہ یاخود آنک قیمت حقیقیہ سنہ بالغ اولدینی دیگر مبلغ ایلہ
ادا اولنور . ل ۸ جمادی الاولی ۳۳۹

* *

علی امضالی ل ۲۳ کانون ثانی ۳۳۷ تاریخندہ فتواخانہیہ بالورود، زید زوجہ سی
ہندی تطایق ایدوب شمدنصرکہ ارادہ سی الئدہدر دیسہ مذکور طلاق رجعی ویابائن
اولوب اولیہ جغنہ دائر واقع اولان استفتایہ جوابدر .
§ مآلہ نظراً مذکور طلاق بایندر . ل ۲۷ جمادی الاولی ۳۳۹

* *

محمد جمیل امضالی ل ۳۳ جمادی الاولی ۳۳۹ تاریخندہ فتواخانہیہ بالورود، وفات
ایدن زیدک استیلا اولنان محللردہ کی اراضیسنک ورثہ سنہ نہ صورتلہ تقسیم اولنہ جفی حقندہ
واقع اولان استفتایہ جوابدر .
§ دول اجنبیہ طرفدن ضبط واستیلا اولنان محللردہ کی اراضی حقندہ ملک احکامی
جاریدر . ل ۲۶ جمادی الاخر ۳۳۹

* *

احمد خلوصی امضالی ل ۱۲ شباط ۳۳۷ تاریخندہ فتواخانہیہ بالورود، اجارہ واحدہ لو
وقف چیقتلک واورمانلرک اوچ سنہ مدتہ ایجارینہ طالب ظہور ایتیموب آلتی سنہ مدتہ
طالب ظہور ایتسہ وقف مذکور متولیس اذن حاکمہ اول محلی اجارہ طویلہ ایلہ ایجارہ
ویروب ویرہ میہ جکنہ دائر واقع اولان استفتایہ جوابدر .

§ شرائطی جامع اولدیغی صورتده مذکور چیفتلک واورمانلرک باذن قاضی اجاره طویله ایله اخره ایجاری صحیح اولور . ل ۵ رجب ۳۳۹

* *

جلال امضالی ل ۱۰ شباط ۳۳۷ تاریخده فتواخانهیه بالورود ، زید زوجہسی هندک جاریہسی وطی ایدوب مزبورہ برولد طوغوردقدنصکرہ زید ولد مزبور بنددر دیو دعوت ایلمه هند مزبورہنک اذنی لاحق اولدیغندن ولدک نسی زیددن ثابت اولوب اولمایه جغه دائر واقع اولان استفتایه جوابدر .

§ ولد مزبورک نسی زیددن ثابت اولماز . ل ۸ جمادی الاخر ۳۳۹

* *

محمد امضالی ل ۲۱ شباط ۳۳۷ تاریخده فتواخانهیه بالورود ، وصی مختاری بولنان زید صغیر رشیداً بالغ اولدیغنده وصی مختاری یدنده اولان مالی وصی مزبور دن اخذه قادر اولوب اولمایه جغه دائر واقع اولان استفتایه جوابدر .
§ مالنه نظراً زید مزبور وصیسی یدنده بولونان اموال وامسلاکنی اخذ ایدوب ایستہدیکی وجهله تصرف ایتمسی معتبر اولور . ل ۱۳ جمادی الاولی ۳۳۹

* *

خالد امضالی ل ۲۱ شباط ۳۳۷ تاریخده فتواخانهیه بالورود ، زید متصرف اولدیغی عرصہده بکرک حق مروری حادثدر بکرده قدیمدر دیسه بینہ حق مرورک حدودی ادعا ایدن زیدہمی یوقسه قدمی ادعا ایدن بکرہمی توجه ایدہ جکنہ دائر واقع اولان استفتایه جوابدر .

§ حادثہده حدود بینہسی ترجیح اولنور . ل ۲۱ رجب ۳۳۹

(فتواخانه عالی مقرات نقضیه سی)

چورلر قضااسنک ۲۳ جمادی الاخر ۳۳۹ تاریخی اعلامنک اسباب نقضیه سی

اعلام مذکورده قیون وکیلر حقنده بروجه محرر اقامه اولنان دعوی محتاج ایضاح اولمغله برابر شهادت مذکورہ درجه کفایهده اولدیغندن واشیاء مدعا بهادن یالکسنزوجہیه